

Табиғи және техногендік сипаттағы төтенше жағдайлар туралы ақпараттар алмасу, олардың салдарларын жою және зардап шеккен халыққа көмек көрсету кезіндегі өзара ақпараттық іс-қимыл туралы келісімді бекіту туралы

Қазақстан Республикасы Үкіметінің 2004 жылғы 10 қарашадағы N 1176 Қаулысы

Қазақстан Республикасының Үкіметі **ҚАУЛЫ ЕТЕДІ:**

1. 2003 жылғы 18 қыркүйекте Ялта қаласында жасалған Табиғи және техногендік сипаттағы төтенше жағдайлар туралы ақпараттар алмасу, олардың салдарларын жою және зардап шеккен халыққа көмек көрсету кезіндегі өзара ақпараттық іс-қимыл туралы келісім бекітілсін.

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Табиғи және техногендік сипаттағы төтенше жағдайлар туралы ақпараттар алмасу, олардың салдарларын жою және зардап шеккен халыққа көмек көрсету кезіндегі өзара ақпараттық іс-қимыл туралы КЕЛІСІМ

Тәуелсіз Мемлекеттер Достастығына қатысушы мемлекеттер үкіметтерінің тұлғасында, бұдан әрі Тараптар,

1993 жылғы 22 қаңтардағы Табиғи және техногендік сипаттағы төтенше жағдайлардың алдын алу және жою саласындағы өзара іс-қимыл туралы келісімге негіздей отырып,

табиғи және техногендік сипаттағы төтенше жағдайлардың болу қаупін және салдарларын азайту саласында мемлекетаралық ынтымақтастықты одан әрі нығайтуға тілек білдіре отырып,

табиғи және техногендік сипаттағы төтенше жағдайлардың трансшекаралық әсерету мүмкіндігіне қатысты барлық қажет және шынайы мәліметті ең қысқа мерзімде алуға мүмкіндік беретін ақпараттық ортаны жасауға қажеттілікке көз жеткізе отырып,

табиғи және техногендік сипаттағы төтенше жағдайлардың алдын алу және жою жөніндегі іс-шараларды жүзеге асыру үшін ақпараттық ресурстарды бірлесе пайдалану, зардап шеккен халыққа көмек көрсетудің қажеттілігін мойындай отырып,

осы саладағы ақпарат алмасу жөніндегі екі жақты және көп жақты уағдаластықтың пайдалы екендігін ескере отырып,

төмендегілер жөнінде келісті:

1-бап

Тараптардың уәкілетті органдары, сондай-ақ ұлттық ақпарат агенттіктері - Тараптардың орталық мемлекеттік ақпарат агенттіктері арқылы олардың мемлекеттерінің аумақтарында болған табиғи және техногендік сипаттағы төтенше жағдайлар туралы, Тараптардың өзара көмек, сондай-ақ халықаралық ұйымдардан көмек жөніндегі сұраныстары мен ұсыныстары туралы жан-жақты ақпарат алмасуды жүзеге асырады.

2-бап

Тараптар ұлттық ақпарат ресурстарын пайдалана отырып, мемлекетаралық ақпарат алмасудың тиімді жүйесін құру, табиғи және техногендік сипаттағы төтенше жағдайлардың алдын алу және жою саласындағы бірыңғай мәліметтер банкісін ұйымдастыру үшін шараларды қабылдайды.

3-бап

Тараптар осы Келісімге және олар қатысушы болып табылатын басқа да халықаралық шарттарға, ұлттық заңнамаға сәйкес, табиғи және техногендік сипаттағы төтенше жағдайлардың алдын алу және жою саласындағы мемлекетаралық ақпарат алмасудың, олардың салдарларын жою және зардап шеккен халыққа көмек көрсету кезінде ақпараттық өзара әрекеттесудің нормативтік құқықтық және әдістемелік базасын құру саласындағы ынтымақтастықты дамытады.

4-бап

Тараптар хабарлар берудің халықаралық стандарттарымен белгіленген тәсілдерін сақтай, Тараптардың жұмыс істеп тұрған ақпарат коммуникациялық ресурстарын, сондай-ақ жаңадан құрылатын байланыс жүйесін пайдалана отырып, Тәуелсіз Мемлекеттер Достастығының жұмысшы тілінде ақпарат алмасады.

Тараптар төтенше жағдайлар туралы ақпараттың толықтығы мен шынайылығы үшін жауапкершілікті арқалайды.

5-бап

Тараптар табиғи және техногендік сипаттағы төтенше жағдайлардың алдын алу және жоюда тиімді өзара іс-қимылдар, зардап шеккен халыққа көмек көрсету және қоршаған ортаны ластанудың алдын алу мақсатында төтенше жағдайлардың қаупін басқарудың ұлттық жүйесін дамыту үшін қазіргі заманғы ақпараттық технологиялар, басқарудың автоматтандырылған жүйелерін жаңғырту, байланыс пен хабарлау жүйесін жетілдіру негізінде шараларды жүзеге асырады.

6-бап

Тараптар табиғи және техногендік сипаттағы төтенше жағдайлар саласындағы ақпарат алмасу, олардың алдын алу және салдарларын жою мен зардап шеккен халыққа көмек көрсету саласындағы өзара мүдделілік танытатын біріккен жобаны жүзеге асырады. Ынтымақтастық Тараптар біріккен жобаларды дайындау мен іске асыруды бөлек келісім жасаумен жүзеге асырады.

7-бап

Тараптардың ұлттық ақпарат агенттіктері тек Тараптардың төтенше жағдайларды басқару саласындағы уәкілетті органдары беретін ақпаратпен алмасады.

8-бап

Осы Келісім шеңберінде жүзеге асырылатын қызмет нәтижесінде алынған ақпарат, Тараптардың заңнамасына сәйкес жариялануға жатпайтын ақпаратты қоспағанда, белгіленген тәртіппен жарияланады.

9-бап

Тараптардың уәкілетті органдары және ұлттық ақпарат агенттіктері осы Келісімді іске асыру мақсатында тікелей қарым-қатынас орнатады.

10-бап

Осы Келісімді қолдануға және түсіндіруге байланысты даулар мүдделі Тараптардың кеңестері және келіссөздері жолымен шешіледі.

11-бап

Осы Келісім оған қол қойған Тараптардың оның күшіне енуі үшін қажет ішкі мемлекеттік рәсімдерді орындағаны туралы хабарламаны депозитарийге берген күннен б а с т а п к ү ш і н е е н е д і .

Осы Келісім ішкі мемлекеттік рәсімдерді кешірек орындаған Тараптар үшін хабарламаны депозитарийге берген күннен бастап күшіне енеді.

12-бап

Осы Келісімге осы Келісімнің ажырамасы бөлігі болып табылатын жеке хаттамамен ресімделетін және Осы Келісімнің 11-бабымен көзделген тәртіппен күшіне енетін өзгерістер мен толықтырулар енгізілуі мүмкін.

13-бап

Осы Келісім оның ережелерін бөлісетін және осы Келісімнен туындайтын міндеттемелерді өзіне қабылдауға даяр әзір Тәуелсіз Мемлекеттер Достастығына қатысушы мемлекеттердің қосылуы үшін ашық.

Келісімнің ережелерін бөлісетін, Тәуелсіз Мемлекеттер Достастығына кірмейтін мемлекеттер үшін қосылу осындай қосылу туралы құжаттарды депозитарийге беру жолымен барлық Тараптардың келісімімен жүзеге асырылады. Қосылу осындай қосылуға келіскендігі туралы соңғы хабарламаны депозитарийге берген күннен бастап күшіне енген болып саналады.

14-бап

Осы Келісім ол күшіне енген күннен бастап 5 жыл бойы қолданыста болады. Егер Тараптар өзге шешім қабылдаса, Келісімнің қолданысының осы мерзімі біткен соң әр кез бес жылға өздігінен ұзартылып отырылады.

15-бап

Әрбір Тарап шығуынан бұрын 6 айдан кешіктірмей депозитарийге бұл жөнінде депозитарийге жазбаша хабарлама жібере отырып осы Келісімнен шыға алады.

Ялта қаласында 2003 жылдың 18 қыркүйегінде бір түпнұсқалық данада орыс тілінде

жасалды. Түпнұсқалық дана Тәуелсіз Мемлекеттер Достастығының Атқарушы комитетінде сақталады, ол осы келісімге қол қойған әрбір мемлекетке оның расталған көшірмесін жібереді.

Әзірбайжан Республикасының
Үкіметі үшін

Армения Республикасының
Үкіметі үшін

Беларусь Республикасының
Үкіметі үшін

Грузия Республикасының
Үкіметі үшін

Қазақстан Республикасының
Үкіметі үшін

Қырғыз Республикасының
Үкіметі үшін

Молдова Республикасының

Ресей Федерациясының

Тәжікстан Республикасының

Түркіменстан Республикасының

Өзбекстан Республикасының

Украина Республикасының